

**4 Vokabulario**

**Festival di poesia**

Anka ta bai partisipá na un festival di poesia huntu ku hopi mucha mas. Na e festival kada mucha ta laga mira i tende kon bon e por deklamá su poema.

Anka ta pará dilanti di spil ta trein ora su amiga Sofí drenta den kamber.

'Kiko bo ta hasi?' Sofí ta puntra. 'Mi ta deklamá mi poema,' Anka ta respondé. 'Mi ta bai partisipá na un festival di poesia.'

'Kiko ta un poema?' Sofí ta puntra kurioso. 'Un poema ta un teksto ku frase kòrtiku,' Anka ta splika. 'Un poema por pone bo hari òf yora òf laga bo sigui pensa.'

Si bo skucha mi poema bon, bo ta tende ku tin vários palabra ku ta zona meskos na final. Eseinan ta palabra ku ta rima.

Pero no ta tur poema mester rima sí.'

'Ta bo mes a skibi e poema akí?' Sofí ke sa. 'Si,' Anka ta kontestá orguyoso. 'Ma yùfrou Gloria a yuda mi un tiki sí.'

• deklamá

• dikshonario di rima

• poeta



Un hende ku ta skibi poema nos ta yama un ...



Si bo bisa bo poema ku zjeitu, bo ta ...




Un buki di poesia nos ta yama un ...



Palabra ku ta zona meskos na final, ta ..



Si bo ke sa kua palabra ta rima ku otro, bo por wak den un ...



E frasenan ku ta pará serka otro den un poema nos ta yama un ...

**Tarea 1**

Kiko bo ta yena?

- Lesa e frase bou di kada pintura.
- Buska e palabra ku falta, den e rei aki bou.
- Skibi e palabra den bo skref.

• rima

• strofa

• poemario